

СОЛИҚЛАР ВОСИТАСИДА ҚИШЛОҚ ХЎЖАЛИГИ КОРХОНАЛАРИ ФАОЛИЯТИНИ ҚЎЛЛАБ-ҚУВВАТЛАШ ВА РАҒБАТЛАНТИРИШ ЙЎНАЛИШЛАРИ

Аманов Акрам Мирзаевич
ТМИ, "Солиқлар ва солиққа тортиши"
кафедраси профессори

Аннотация: Мазкур мақолада қишлоқ хўжалиги корхоналарини солиққа тортиш амалиётидаги ислоҳотлар, уларнинг самарадорлиги таҳлил қилинган. Агар соҳани ривожлантириш мақсадида ишлаб чиқилган меъёрий ҳужжатлар ўрганилиб, қишлоқ хўжалиги корхоналарини ва уларда фаолият олиб бораётган ишчи-хизматчиларни адолатли солиққа тортиш юзасидан таклиф ва тавсиялар келтирилган.

Калит сўзлар: Қишлоқ хўжалиги, қишлоқ хўжалиги корхоналари, кластерлар, фермер хўжаликлари, солиққа тортиш тизими, фойда солиғи, қўшилган қиймат солиғи, ер солиғи, солиқ ставкалари.

Аннотация. В данной статье анализируются реформы в практике налогообложения сельскохозяйственных предприятий и их эффективность. Изучены нормативные документы, разработанные в целях развития аграрного сектора, даны предложения и рекомендации по справедливому налогообложению сельскохозяйственных предприятий и работающих в них работников.

Ключевые слова: Сельское хозяйство, сельскохозяйственные предприятия, кластеры, фермерские хозяйства, система налогообложения, налог на прибыль, налог на добавленную стоимость, земельный налог, налоговые ставки.

Annotation. This article analyzes reforms in the practice of taxation of agricultural enterprises and their effectiveness. Regulatory documents developed for the purpose of development of the agrarian sector were studied, suggestions and recommendations were made regarding the fair taxation of agricultural enterprises and the workers working in them.

Keywords: Agriculture, agricultural enterprises, clusters, farms, taxation system, profit tax, value added tax, land tax, tax rates.

Янги Ўзбекистон иқтисодиётини модернизация қилиш шароитида қишлоқ хўжалиги корхоналарини солиққа тортиш, улар фаолиятини солиқ имтиёzlари ва преференциялар орқали қўллаб-қувватлаш, солиқ маъмурчилигини янада соддалаштириш каби масалалар муҳим аҳамият касб этмоқда. Қишлоқ хўжалиги

корхоналаридан солиқлар ва мажбурий тўловларни ундириш услубияти иқтисодий ислоҳотларнинг ҳар бир босқичда такомиллаштирилиб келинмоқда. Ҳозирги кунда қишлоқ хўжалиги товар ишлаб чиқарувчиларининг бир қисми, яъни суғориладиган ер участкасининг ҳажмидан келиб чиққанҳолда солиқларни тўлаб келмоқдалар.

Кейинги йилларда Мухтарам Президентимиз раҳбарлигига қишлоқ хўжалигида чуқур таркибий ислоҳотларни амалга ошириш белгилаб берилди. Жумладан, қишлоқ хўжалигида бозор муносабатларини жорий этиш, қайта ишлаш ва экспорт инфратузилмасини ривожлантириш, фермер ва дехқонларнинг даромадини ошириш юзасидан аниқ чора тадбирлар олиб борилмоқда.

Халқимиз, давлатимиз Янги Ўзбекистон пойдеворини жадаллик билан бунёд этмоқда. Барча соҳа ва тармоқлар Президентимиз илгари сурган “Инсон қадри учун” тамойили асосида тубдан ислоҳ қилиняпти.

Янги Ўзбекистон, энг аввало, янгича иқтисодий муносабатлар, янгича иқтисодий дунёқараш демакдир. Шу боис мамлакатимиз иқтисодий тизими тўлиқ қайта қуриляпти, бозор механизмлари тизимли жорий этилмоқда. Хусусан, кейинги йилларда республикамиз қишлоқ хўжалигига бозор иқтисодиётига хос ёндашув ва моддий рағбатлантириш механизмлари жорий этилиши бошланди. Аграр секторни ялпи ва тизимли трансформатсия қилишдан кўзланган мақсад эса соҳа самарадорлигини ошириш, дастурхонимиз тўкинлигини таъминлашdir.

Ўзбекистон халқи, фермер-дехқонлар анчадан буён кутган дон етиштиришда давлат буюртмасини босқичма-босқич бекор қилиш ва ҳақиқий ғалла бозорини яратиш борасида муҳим қадам ташлашнинг фурсати этганлиги билдирилган давлатимиз раҳбари барча зарур ташкилий ишлар ҳал қилинган ҳолда, 2022 йил 1 июндан бошлаб, ғаллани давлат томонидан сотиб олиш ва сотишда бозор нархларига ўтилишини маълум қилди. Бу ғаллакорларимизни ғоят қувонтирган, руҳлантирган янгилик бўлди. Чунки ғалла биржа савдолари орқали бозор нархида сотилса, фермерлар даромади анчагина ортади. Давлат буюртмаси бекор қилиниб, тўлиқ бозор механизмларининг жорий этилаётганидан дехқонларимиз манфаатдор. Улар меҳнатига яраша фойда олса, экинларни парваришишга қизиқиш ва интилиши кучайиб боради. Замонавий қишлоқ хўжалиги техникалари, илғор технологиялар харид қилиши имконияти кенгаяди. Аён бўляптики, ер эгалари манфаатдорлиги кучайиши ҳосилдорлик ошишига, ер ҳолати яхшиланишига пухта замин яратади. Шунингдек, ғалла импорти камайишига эришилади, валюта иқтисод қилинади. Эндиликда фермер ва кластерлар ўзи этиштирган ғаллани биржа савдоларига олиб чиқиши учун давлат томонидан барча имкониятлар яратилади. Давлат ресурслари учун сотиб

олинадиган 1 тонна буғдой нархи 2021 йилдаги 1 миллион 550 минг сўмдан 2022 йил ҳосили учун 3 миллион сўмга, яъни 2 бараварга оширилди. Бундан ташқари, фермерлар ихтиёрида қоладиган буғдойдан 500 минг тоннаси дон корхоналарида вақтингча сақлаш учун қабул қилинади ва 2022 йил 1 июлдан бошлаб, илк бора фермер ва кластерларнинг ўзлари биржа савдоларига бозор нархида чиқаради. Бунда 500 минг тонна буғдойнинг дон корхоналарида вақтингча сақлаш харажатлари давлат томонидан қоплаб берилади. Шунингдек, фермерлар 2022 йил буғдой ҳосили учун биржа тўловларидан озод қилинди.

Мамлакатимизда бугунги қунда ер ўзининг ҳақиқий эгасини топиб, фермерлик ҳаракати юртимиз тараққиётида ҳал қилувчи куч бўлиб майдонга чиқаётгани, далада ишлайдиган ҳар бир одамда ўз меҳнатидан манфаатдорлик ҳиссини кучайтириб, келажакка ишончи янада мустаҳкамланиб бораётгани, фақатгина қишлоқ хўжалигини эмас, балки бутун ҳаётимизни тубдан ўзгартирмоқда. Бошқа соҳалар сингари аграр тармоқнинг ҳам бугунги шиддатли замон билан ҳамнафаслигини таъминлаш, дехқону миришкорларимиз, фермерларимиз томонидан этиштирилаётган маҳсулотларнинг жаҳон бозоридан муносиб ўрин эгаллашига эришишга қаратилган чора-тадбирлар изчиллик билан амалга оширилмоқда.

Қишлоқ хўжалигига мавжуд муаммолар ва уларнинг эчимларини ҳукуқий асосларини яратиш, иқтисодиётимизни, жумладан, қишлоқ хўжалиги соҳасини модернизация ва диверсификация қилиш, озиқ-овқат маҳсулотлари этиштириш, фермер, кластер ҳамда кооперацияларни молиявий қўллаб-куватлаш масаласига ҳар доимгидан ҳам кўпроқ аҳамият берилмоқда. Хусусан, 2020 йил қабул қилинган Ўзбекистон Республикасининг 5 та Конуни, Президентнинг 12 та Фармони ва 30 дан ортиқ Қарори ҳамда ҳукуматнинг кўплаб Қарорлари айни шу йўналишга қаратилганлиги ҳам фикримизнинг яққол далилидирдир.

Бу борада алоҳида таъкидлашимиз лозимки, Ўзбекистон Республикаси Президентининг "Ўзбекистон Республикаси қишлоқ хўжалигини ривожлантиришнинг 2020-2030 йилларга мўлжалланган стратегиясини тасдиқлаш тўғрисида"ги Фармонини ҳақиқатан ҳам ўз вақтида қабул қилинган хужжат деб айтишимиз мумкин.

Мамлакатимиз қишлоқ хўжалиги соҳасида туб бурилиш ясашга қаратилган мазкур Стратегия 9 та устувор йўналишларни ўз ичига қамраб олиб, қўйидаги долзарб масалаларнинг асосий ечими бўлиб хизмат қиласди.

- аҳолининг озиқ-овқат хавфсизлигини таъминлаш;
- қулай агробизнес муҳитини ва қўшилган қиймат занжирини яратиш;
- соҳа бошқарувида давлат иштирокини камайтириш ва инвестициявий жозибадорликни ошириш;

-табиий ресурслардан оқилона фойдаланиш ва атроф-мухитни мухофаза қилиш;

-бошқарувнинг замонавий тизимларини ривожлантириш; тармоқни қўллаб-қувватлашга йўналтирилган давлат харажатларини босқичма-босқич диверсификация қилиш;

-қишлоқ хўжалигида илм-фан, таълим, ахборот ва маслаҳат хизматлари тизимини ривожлантириш;

-қишлоқ худудларини ривожлантириш;

-тармоқ статистикасининг шаффоғ тизимини яратиш каби масалалар белгилаб берилган.

Шунингдек, 2022-2026 йилларга мўлжалланган Таракқиёт стратегияси¹ доирасида белгиланган пахта ва бошоқли дон экиладиган майдонларни қисқартириш, бўшаган ерларга картошка, сабзавот, озуқа ва ёғ олинадиган экинларни экиш, шунингдек, янги интенсив боғ ва узумзорларни жойлаштириш, кўп тармоқли фермер хўжаликларини рағбатлантириш ва ривожлантириш учун қулай шарт-шароитлар яратиш, қишлоқ хўжалиги маҳсулотларини чуқур қайта ишлашга ихтисослашган қайта ишлаш корхоналарини ташкил этиш, қишлоқ хўжалиги маҳсулотларини сақлаш, ташиш ва сотиш, агрокимё, молиявий ва бошқа замонавий бозор хизматлари кўрсатиш инфратузилмасини янада кенгайтириш каби вазифалар муҳим аҳамият касб этмоқда.

Қишлоқ хўжалиги хўжалиги корхоналари фаолиятини қўллаб-қувватлаш ҳамда рағбатлантиришга хизмат қиласидиган қуйидаги таклиф ва тавсиялардан солиқ амалиётида фойдаланиш мақсадга мувофиқ ҳисобланади:

➤ худудлар кесимида тасарруфидаги суғориладиган ерлар ҳажмидан келиб чиқиб, фойда ва қўшилган қиймат солиги тўлаётган фермер хўжаликларининг фақат пахта ҳамда ғалла етиштиришда фойдаланаётган ерлари ҳажмини ер солиги тўлашдан тўлиқ озод қилиш ва мазкур (озод қилинган) маблағни ер бонитетини яхшилаш чора-тадбирларига сарфлаш лозим;

➤ қишлоқ хўжалиги товарлари ишлаб чиқарувчи корхоналарга фойда бўйича "нол" фоиз микдорида ставка жорий қилинган. Мазкур солиқ ставкасининг қўлланилиши учун қишлоқ хўжалиги товарлари ишлаб чиқарувчилари реализация қилган қишлоқ хўжалиги маҳсулотлари ҳажмида ўзи ишлаб чиқарган қишлоқ хўжалиги маҳсулотлари ҳажми 90 фоиздан ортиқни ташкил этиши белгиланган. Бизнингча қишлоқ хўжалиги маҳсулотлари ҳажмида ўзи ишлаб чиқарган қишлоқ хўжалиги маҳсулотлари ҳажми 50 фоиздан ортиқни

¹ Ўзбекистон Республикаси Президентининг 2022 йил 28 январдаги "Янги Ўзбекистоннинг 2022-2026 йиллардаги таракқиёт стратегияси тўғрисида"ги ПФ-60-сонли Фармони билан тасдиқланган.

ташкил этиши лозим деб белгилаш мақсадга мувофиқдир. Бу қишлоқ хўжалиги корхоналари трансформациялашувини янада тезлаштиришга хизмат қиласди;

➤ пахта ва (ёки) ғалла этиштиришга ихтисослашган қишлоқ хўжалиги хўжалиги корхоналари ишчи ва хизматчиларининг (доимий ёки мавсумий ишлашидан қатъий назар) меҳнатга ҳақ тўлаш тарзидаги ҳамда моддий наф тарзидаги даромадларини жисмоний шахслардан олинадиган даромад солиғидан озод қилиш керак. Бу чора-тадбир соҳада ишлаётган ишчи ва хизматчиларнинг моддий манфаатдорлиги ошишига ҳамда кадрлар қўнимсизлигига барҳам беришга шароит яратади.

Агар соҳа вакиллари учун солиқ сиёсатига киритиладиган ўзгартиришлар, яъни тадбиркорлик субъектлари ва уларда фаолият юритаётган ишчи хизматчилар зиммасидаги солиқ юкининг камайтирилиши бевосита хуфёна иқтисодиётнинг қисқаришига ва келажакда давлат бюджети даромадлари кўпайишига хизмат қиласди.

Фойдаланилган адабиётлар рўйхати:

1. “Кишлоқ хўжалигига аҳоли бандлигини ошириш ва ер участкаларидан самарали фойдаланиш чора-тадбирлари тўғрисида” ги Ўзбекистон Республикаси Президентининг Қарори, 2023 йил 23 феврал, ПҚ-69-сон.
2. Аманов А.М. Определение налоговой задолженности // Вестник современной науки. Научно-теоретический журнал. №4. 2016. Часть 1. Стр. 77-79
3. Аманов А.М. Приоритетные направления совершенствования налоговой системы Республики Узбекистан // ЭКОНОМИКА И БИЗНЕС: теория и практика журнал. №5. 2017. Стр. 17-20.
4. Аманов А.М. Сельское хозяйство республики узбекистан в условиях цифровизации экономики // «Интернаука»: научный журнал – № 19(195). Часть 4. Москва, Изд. «Интернаука», 2021. Стр. 16-19.